

客窗閒話

序

吳子賦閒之日好集談客

諸君酒酣

聽談古今逸事遇有可驚可喜

事則錄之

省而思齊者一一舉筆錄之久之哀然

成集或見而笑曰何吾子之心思才力

妄費於無用之地也若移其道以建業

序



一

於制藝則詩文必工可以名當世可以  
昭來許而猶可以捨青紫舍是不爲而  
乃卑卑者欲附於稗官野史之流耶吳  
子肅容敬謝曰客之言誠是也雖然客  
不見夫古今來聰明智慧之人加以研  
鍊揣摩之學發爲詩文昌明博大自信

足以傳世又有明師益友爲之參訂哲  
弟賢嗣爲之檢校始克付諸剞劂出而  
問世其用心亦良苦矣然不久卽爲婦  
女夾箴褊爲庸夫覆醬瓿者比比皆是  
彼作稗官野史者拉拉襍襍不過逞一  
時之興而足以動諸人之目者何也其

命意新而措詞淺智愚之所共見者也  
况僕悉就其所談之事而紀之是以數  
十百人之心思才力供僕揮灑豈無可  
觀之處乎奚必獨舒已見或頌揚而過  
當或譏誚而招尤爲人作夾襍覆瓿之  
具耶或曰然則如吾子言是塞文章之

路而闢稗官野史之邪徑矣吳子笑曰  
客何泥也僕之所爲賢於博奕而已何  
敢與高文典冊同日語哉或曰然則吾  
子之所爲若胥鈔然何又有翻新出奇  
之作耶吳子曰僕所述客話客之性情  
不一有溫厚和平者有詼諧譎詭者有

忿世嫉俗者悉就其所談而筆之無庸  
心於其間而其詞自不同矣客卷口結  
舌而退吳子又筆之以弁於集首皆

光緒乙亥夏薊斥居士題於保定寓齋

客窗閒話目錄

第一卷

明武宗遺事 五則

馮皮匠

查氏女

雙嶺廟

獸官

蕭希賢

李寡婦

鸞仙 五則

第二卷

王夢蛟

假和尚



公大將軍延師

無真叟

磁州地震記

神童

時醫

神尼

第三卷

魏元虛

淮南譙客記

某駕長

張慧仙寄外詩記

白安人

齊叫化

八松墓

義丐

第四卷

安邑獄

和蘭玉風

孫壯姑

沈竹樓

訟師 五則

調日

劉智廟

吳橋案

第五卷

談鬼 十二則

孝女

義僕

劉大漢

俞生

第六卷

陳制軍

瘦馬

查商

場外孝廉

郝連大娘

周姬

沈太守

第七卷

先覺僧

華瘋子

顯子十二則

其廣文

三官救劫

雷神

第八卷

湯文正

科場五則

卜者梁翁

小王子

姚暮府

周封翁

陬邑官親

同胞三鼎甲

諸子總評

烏子耀雲云筆法道勁其突兀縱橫離奇豪放處目  
不暇給真令人百讀不厭矣聊齋復生未肯多讓佩  
服佩服

范子今雨云喚醒世人不少洵卓卓可傳之書非尋  
常評話可比也

方子幼學云紀事詳明而出筆儕雅純是書生本色  
筆墨不落做閒書人腔調是以讀之口頰生津不能

釋手。又云新穎而不怪近理而不浮殆今之善於  
立言者班賦云小說九百本於虞初若此者視彼九  
百種頭未知有所軒輊否耀雲先生許與聊齋並傳  
固非阿私所好矣熟復數過勝餐餘甘子五百枚也  
高子筆數云漸斤深於國策其舌湧瀾翻硬語蟠空處  
居然神似

徐子子成云聊齋閱微而後得此可爲鼎峙

題詞

何曾體例仿虞初耳仁聞時手卽書似此心花生筆

底添毫頰上更何如維揚離舍涼如許暇邑郵亭

暑盡驅一卷奇文誦冰雪不須重展北風圖

時方酷暑每誦

編中二則胸次頓覺清涼移我情者不讓成連海上琴聲也

兒女英雄事盡傳偶

然寫到鬼狐仙奇聞軼狀談何易塵海搜羅已卅年

此書創自丁卯續今三十年矣

幼樗方廷珩

賓客過談談卽錄咫聞軼事盡書之縱饒客有蓮花  
舌未及生花筆一枝筆意聊齋觚臚間翻空徵實  
妙多般編成雅自居閒話到底曾無一字閒

學生封左垣

博古窮經卅載餘筆少神妙有誰如文心處處皆  
生趣閒話拈來卽是書雅俗詠諧盡可編胸中異  
學得天全搜羅今古奇談事堪補聊齋未述篇

子述蘓續



雨打蕉寒風敲竹碎客窗孤悶誰知手先生此卷頓  
歲愁眉底事圍楸戰茗還勝吹竹彈絲挑鐙細讀傾  
盃未了拍案驚奇 按神說鬼夢雨翻雲筆花五色  
紛摘惟曩日虞初題接蒲髮肩隨莫道噓樓總幻須  
防腫背堪嗤今今古古無無有有姑妄聽之

右調雨中花慢

春谷陳寅賢

其人如玉其筆則仙經經緯史然乎不然搜神述異  
元之又元心鉤角闢肺鑲肝鑄匪曰嵐璞匪曰狐禪

讀古微書庶幾近焉

小叢盧恩照

客窗閒話卷一

隱居 吳繼昌 荊年 著

明武宗遺事 五則

明武宗皇帝亦一代英主也惟好爲嬉戲有游幸德  
卽其顛倒予奪數事雖正史所不錄聞諸故老堪資  
談柄條列於後

戊辰科庶常散館例在內廷局試時諸詞林墨藝有  
閩人林吉士者好書古字如以秋爲秣之類審疑之

問所自出林歷舉以對帝書味字與譔林不識帝  
秋可作炆和獨不可作味乎汝讀書少未稱詞林之  
職着回籍勸讀三年再來就試林謝恩出同鄉戚友  
咸知其爲帝所逐皆不之禮林本寒士欲歸則無腰  
纏欲留則無斧皆欲就教讀則爲都人輕薄無避之  
者無奈在正陽門外賣字爲活已逾年矣幸其書法  
之佳聳動一時值帝微行過其肆見觀者環堵噴噴  
稱羨帝不知是何異事挨人人叢睭一少年生懷

揮毫得意疾書法並鍾王句亦興雅帝心羨之緣當  
時一面人則遺忘遂入問曰吾觀汝寫作俱佳當今  
文明之際何不應試甘爲賤業耶林舉首見帝魁岸  
不凡揖之就坐對曰我聞人林某忝居詞林帝曰詞  
林清華不合行同市僧有玷官箴林曰去歲散館時  
因不識御筆奉旨回籍讀書帝曰旣奉諭旨何不同  
去林曰我實起於單寒旅貲無措不得已爲此營生  
也帝曰讀書人本色何不就館林曰人皆知爲逐臣

無敢延者帝曰吾君汝鄰省作一幕賓不逾此耶林  
感悅揖謝問帝爵里以便往拜帝曰毋庸明日汝仍  
於此候信飄然而去諸客皆爲林賀曰此必王孫公  
子必有好音歡喜而散次日有內監齎黃封一函白  
金百兩與林曰昨有官人囑我致閣下其照封面行  
事不可竊開目取其禍此銀以佐車馬之需言畢竟  
走亦不道姓名來歷林觀封面大書親投山東巡按  
開折欣然閉肆雇車馬攜舊僕馳抵山左時巡按左

盧係方伯檉護林安寓東衣僭僕往拜惟時風雷崇  
隆官吏嚴肅刺不易投三日猶未得見方伯林驟曰  
我有都中密信須親投者奈何阻我吏始爲通達刺  
闕者喚林入見其行裝黯淡疑爲抽豐之客洋洋搖  
首曰吾三攝通省總綱公事繁冗何暇接見同年故  
舊耶若有書札我爲代投回寓聽信可也林無可如  
何出黃封交之而歸閱甚未幾高王狂奔而入望林  
叩首無筭曰小人不知憲駕襲清輿從罪貶萬死林

憤然曰主人何抑掄我窮途耶萬主曰小人焉敢正  
分辯聞呼騶鳴轂之聲中軍旂脾巡捕等官帶同  
吏役長跪請安畢僉曰奉方伯命請飲使入署林如  
登雲霧不知所謂被羣擁入八座儀仗山列車騎雲  
從直入巡按廳事方伯公服趨迎林下輿見庭設香  
案所投之黃封高供其上方伯跪請聖安畢向林揖  
曰請天使宣讀聖旨林開封讀曰山東巡按缺出即  
着林某署理方知所遇者帝也望闕九頓首受印任



事方伯三揖稱慶并道有失違迎之愆退居藩邸林  
於是表謝聖恩請陞見訓示未幾批回云朕看爾人  
才去得故有是命爾其謹慎從公毋忝厥職三年後  
來京復命可也林居東任滿回京見帝帝曰如余讀  
書有貴矣以編修用仍入翰林讀書三年以觀後効  
帝入樞密院見在公之卿相方朝饗見帝皆起帝曰  
卿等食訖來閒話可也遂入密室坐於是卿相飯畢  
咸集帝悉命坐問曰卿等所食知米之來歷不與單

朕在儲宮時意謂五穀若草芥聽其自生自長而已  
今巡遊乎田野察農夫之艱難方知古人云誰知盤  
中食粒粒皆辛苦誠不謬也卿等所居南北殊方風  
俗各異其若何播種若何耕耨若何收穫各舉所知  
以廣朕聞時公卿中多起自田間者悉敷見聞以對  
惟尙書某係世胄不知所云帝微哂曰飲食尙不知  
本原何以理國爾職居何部曰可何事得無曠廢耶  
尙書惶恐叩首曰臣職吏部甫自部署來見筆開紅

曰太湖司巡檢缺出應歸部銓選等語帝大笑曰吏部尙書僅知此耶拂袖而入同列皆尤之尙書曰我今日只記得此事無可奏對者未幾旨下云太湖司巡檢缺出卽着某補授尙書接旨茫無主見謂同列曰我已降官敢不赴任但應陞辟否同列皆笑曰微官未職曷勝陞辟只須午門外叩首謝恩領馬赴任但旨無降字樣應以一品服位事可也尙書倉猝就道至則撫按率百官列迎尙書再三辟具脚色手

本趨謁撫按各官遜謝不遑請居省會尙書曰帝俞  
赴任我何敢遽擇日前往府縣趨改衙署規制軒昂  
亦用轅門鼓吹與撫按等尙書至見署之三面皆農  
田始悟帝意欲其知稼穡之艱難耳於是擯絕輿從  
日以青衣小帽遊閭閻與二三父老講論民間疾苦  
應改革調濟者悉註爲論居數年爲人排難解紛以  
息訟端民皆感悅值宸濠叛帝駕南征尙書見撫按  
曰我曾待罪吏刳駕至不可不迎然無巡檢接駕儀

注請公議之撫按司道僉曰論品則居我等上論職  
則在我等下請以一品服伏謁百寮之末何如尙書  
百肯遂迎駕帝乘逍遙馬見之呼尙書來前曰爾全  
知喫飯難耶尙書頓首謝訓帝命隨至行宮詢其所  
事尙書將平日所著因草論縷晰以對帝大悅命居  
亞相

除夕帝忽出宮歷六部九卿公署官吏皆同私室慶  
歲虛無人也至吏部聞高唱南腔似有多人聚者

帝突入惟一小吏陳盤內壺酒自斟自飲見帝至殷  
勤讓坐酌酒勸進帝問曰汝何官何獨居此吏曰吾  
浙右人此部掛名吏也封篆後官與同事俱有宅可  
歸是時團集妻孥飲合家歡矣吾想如許案卷設有  
不虞貽誤不小是以守此不敢離也帝曰汝好明日  
再見遂起去吏猶執燭遠導元旦朝見于官帝問吏  
部尙書曰昨在卿署看守者何人卽召入見朕尙書  
遣卽官立喚小吏當陞舉首見帝不禁戰慄帝曰無

恐汝能小心職守勤慎可嘉汝等役滿應得何議叙  
吏曰五年無過以從九品歸選耳帝曰汝欲何爲吏  
曰小人所願者大湖司巡檢聞是缺前經本部尙書  
署理鼓吹鳴礮體面非常但小人尙未滿役不合例  
耳帝笑曰朕命汝去何用例爲吏歡欣鼓舞登呼萬  
歲帝特命尙書予憑赴任

宸濠之叛御駕親征舟泊清河帝登岸微行入茶肆  
聞人言下江囚兵差截奪各船橫行索詐利本如願

卽毀客貨嗟怨不絕帝買小舟變服似商人以一衛  
士一小監沂流直下至楊關有官舫甚巨巡船數十  
虎役百輩攔截客舟帝亦在內逐舟搜索云供兵差  
之需客皆哀所獻縉至帝州帝僞卧艙中不之理虎  
役擁帝登官舫見一官憑几危坐從役森列吐帝問  
汝何人敢抗皇差不畏官刑耶帝微哂之官怒叱役  
摔帝行杖幸衛士勇猛揮拳擁護衆不能近官益怒  
曰是必江洋盜魁命拿舟子至褫衣鞭撻喝令招贖



爲盜帝怒探懷出玉牌命內監立召大員至值繭機  
巡按接奉帝命倉惶奔赴官見巡按來至船頭跪迎  
正欲訴盤獲大盜緣由巡按見帝立艚中俯伏請罪  
帝無言惟指揮衛士奪此官紗帽子丹子戴之曰以  
酬汝痛方命巡按提此官去追贓問罪論大辟失察  
之上官皆獲嚴譴而客舟自此安行矣

帝在宣化有女子李鳳姐者年十四五有殊姿其父  
設酒肆以鳳姐當爐是時父適在外帝微行過之見

其丰神綽約國色無雙不禁迷眩入肆沽飲鳳姐遂  
酒來帝誤以爲倡伎之流突起擁抱入室鳳姐驚喊  
帝急掩其口曰朕爲天子苟從我富貴立至先是鳳  
姐恒夢身變明珠爲蒼龍攫取駭化烟雲而散聞言  
頓悟任帝闔戶解褊狎之落紅殷褥實處子也帝大  
悅時李父聞喊趨救門已閉矣惟聞寶釵聲顙佩玉  
鏘鳴其女氣促音嘶若不勝強暴者急奔告卡兵蜂  
擁而入見帝援開出兵士伏謁叱令將鳳姐歸豹房

爵其父三品卿賜黃金于兩欲封鳳姐爲嬪妃命其  
自擇鳳姐固辭曰臣妾福薄命微不應貴顯恐於身  
不利今以賤軀事至尊曷勝榮幸之至伏願陛下早  
回宮闕以萬幾爲念則臣妾心安較爵賞猶榮矣帝  
領之因暗鳳姐玄衣玄裳益顯嬌媚故不强易官裝  
鳳姐恒於枕畔筵前委婉屢勸帝乃擇日還京與鳳  
姐並轡齊驅至居庸關風雷交作鳳姐親開口所繫  
四大天王怒目生動眩暈墜馬帝親扶之疾忙外退

駐蹕行宮視鳳姐伏枕泣曰臣妾自知福薄不能侍  
宮禁請帝速回帝曰若是朕忍棄天下不忍棄愛卿  
決不歸矣鳳姐一慟而絕帝哀憐甚命葬關山之上  
寵以殊禮用黃土封塋一夜盡變爲白其陰靈猶不  
敢受也帝追念其言奮然曰小女子尙知以社稷爲  
重安忍背之遂還宮正史載帝在豹房百官交章勸  
諫皆不納疇知一微弱女子力能回天書所云高明  
柔克耶此功不可泯也至今過關溝者遙指白壤數

談其事

馮皮匠

馮某武陵鄉民也業皮匠日以擔頭謀生家僅一妻  
破屋三椽亦係債住者餘無長物值歲將闌負債五  
六串逋欠十餘家剩有四百青蚨不足以償與妻謀  
曰我與爾此錢市斗米度歲我欲潛入紫陽山洞俟  
元旦歸來再作計較債主來則以我外出借錢爲對  
妻諾之遂攜壺茶懷炕餅襪被而往瞥見山洞內有

捷足先登之客貂帽狐裘危坐石几如木偶然焉失  
笑曰我豈誤入家中乎否則何過此富貴之屍若謂  
與我同心者當屬妻人子不應燦爛如是客聞人語  
嗟然驚覺瞠目視馮曰予觀足下似非雅士屈此殘  
臘何不擁床頭人舉栢酒椒盤之樂而乃挾具游山  
欲追慕清高乎馮曰姑無論我閣下何爲者客曰予  
爲姚繼崇洋貨行主人也放貨值百萬於郡縣各肆  
際此儉年各肆未能歸結而客商在行坐取價賈

五十萬金子張羅數目無人應貸客商勢必告訢則  
行業將敗而予無歸着矣不得已權以此地當避債  
臺第苦饑渴耳足下來幸甚渴慨然奉餅餌注茗以  
進并道同病相憐意姚飽啖之若珍羞然繼而曰足  
下所虧幾何而亦甘趨苦境焉曰吾儕小人所負者  
五六串青蚨耳姚曰子雖同在窘鄉此尙易辦脫腕  
上金約臂與之曰足下姑以此質十串錢歸償所餘  
煩沽酒炊飯以給子馮欣然如姚囑歸告其妻數以

烹飪妻曰人不舉火矣竈灰堆積曷先出之馮往鄰  
家借鋤簣因莽從事灰去而竈崩妻呀曰真倒竈矣  
爲今之計莫若擔去磚灰掘地作竈以供急需夫婦  
合作未及土盡而石見石去而兩巨缸朱提熒然耀  
目夫婦大悅馮曰今如之何妻曰姑以簣運入我床  
下再作計較於是遞相搬運銀盡起缸缸下又石石  
下復得兩缸如是者三共得六缸馮曰獲如許財未  
知其數所可慮者宵小聞之必來肆竊否則強項之



徒知我驟富或來欺詐其奈之何妻曰適聞山洞之  
客正需此物况素昧平生偶爾相值能濟我貧其爲  
人尙義可知何不舉以託之則彼得應急而我有依  
倚矣馮曰汝言實獲我心亟往市中買熟物攜燈而  
往姚曰來何濡滯予望眼幾穿焉馮酌酒進食將得  
有藏金欲求寄頓之說從容告之姚驚喜曰足平言  
果實否馮曰我感君義其何敢欺飯畢偕往覲之見  
盈室白物姚曰天賜足下兼濟子事實無疆之林敢

不苟此重任遂約爲昆季以嫂呼馮妻出對牌以半  
交嫂曰子同馮兄先歸卽飭健僕以簞來裝運將半  
牌爲驗符合者給之偕馮反其室入後戶覺院宇軒  
鉅深邃如入神廟俾馮薰沐更衣居然富貴氣象且  
囑曰子將命乘輿迎兄來前見諸客商當示尊重姚  
先出是時客商候無音耗正喧闐間見主人歸環繞  
而晉曰改歲在邇速清我價不汝寬矣姚大笑擺手  
曰是些些者何足道子不過偶爲人累遲數日耳今

遊子盟兄至百萬金刻卽來矣諸客長皆以大方著  
者毋形小器貽子盟兄笑也正排解間司閽者報馮  
翁來姚肅衣冠出迎衆皆屏息以觀見馮翁者年約  
四旬裘裳都麗僕從趨踰主人足恭致敬迓入中堂  
客商次第相見畢旋命開筵姚拱馮翁居首座馮再  
三讓年長者客皆曰吾儕行規不以齒序惟財爲雄  
久聞吾翁富甲大邦宜居是位勿撝謙過當俾吾儕  
惶恐姚曰客言是也扶馮上座有饌之盛皆馮生平

所未覩者。辭罷僕放天平。居中銀笏湧至堆積如  
山。諸夥伴持籌握弄。一一秤之。共得六十萬金。姚呼  
諸客領價而散。謂馮曰。弟之起居服食。皆足以供吾  
兄。可無事操勞。其將迎嫂來同室。從此合業經營。無  
他慮矣。馮唯唯。由是行業益盛。二姓之子孫至今稱  
巨富云。

查氏女

萬歷間倭寇之亂。綠日本國王正妃卒。王思中華女。

乎艷麗道將入寇泊海擄掠至鹽官州猝不及備官  
之棄城逃竄有查氏女者年已及瓜慧中秀外久失  
時聞寇至請父兄同衆奔避曰女兒足弱不能追駭  
途中慮有辜顧俱羅於禍莫若女自爲計決不貽羞  
恐亦不致遽死也寇急父兄迫之堅持不行父兄泣  
舍而去女平日閱本草見有藥名鬧揚花者服之卽  
死迴時可醒預已市得遂密縫上下衣研藥爲末以  
俟聞寇入城遽吞之斃倭入室見女顏色如生撫之

溫軟異可救活且容貌傾城不忍舍去負之入舟逾時而蘓見身臥海舶諸女環泣細詢之知同被難者女慰之曰毋徒恐怖能從我謀似可脫難諸女密商之女授以計緣倭將爲王覓妃故無敢犯諸女及舟抵日本倭將見美女無恙歡欣鼓舞以獻國王王見查氏女遂其所欲命通事告以救立正妃之意女曰此中華人願與中華女子爲伍王若能盡出本國宮女而以同來諸女爲宮人則惟王所命王以其嬌弱

女子何能爲喜尤之命扶入官開合歡宴女同諸女  
酌酒勸王密以前藥入酒王遽吞之不覺眩暈意謂  
醉矣擁女入大內欲褫其衣止枝梧間王瞠目流涎  
而倒不知人事女搜得兵符喚諸女同出外廷傳通  
事諭倭將曰王問悉我家有徑寸珠能定颶風命我  
去取作鎮國之寶爾諸將速備巨舟偕往倭將驗兵  
符信之遣一旅同諸女揚帆西歸次日王不視朝王  
弟潛入大內探之見王僵臥於寢弑之自立世子怒

各與其黨互相攻擊其國大亂故無追者女至鹽官  
城下已有警備命通事喚城上長官女告以故官狐  
疑未決女請喚其父來認之確絕入城告長官大備  
酒肉納以前藥遣使諭倭眾曰王妃取寶卽同先以  
酒肉犒爾等其各飽餐以待衆皆樂醉飽而例使者  
駢戮之以諸女歸官不廢一矢而得倭首級遂報大  
捷旌查女之門而各官晉秩有差

郊斥曰奇偉者女無恥者官寇至則逃竄寇退則贊



備始終雌伏可也奈何昌查女之功而廢爵賞吾見其衣冠楚楚與拜受巾幘等耳或曰雌飛自然雄伏造化若循常理焉得有此奇聞

### 雙縊廟

任迂叟浙右儒生富而無子惟一女名之曰宜男飾雌爲雄聊娛膝下延師教讀以充石麟時有東鄰之子白雲娥者其父耄年所得慮其嬌柔難育爲之貫耳披髮呼爲雲姐附任氏之學與宜男爲密友時女

年十三男年十四兩小無猜二情相洽校書賭誦互  
角聰明女或勝之則劃雲之面相與嘲笑適師外出  
女之母與姑入塾不識雲之爲男也視其柳眉疊翠  
杏臉舒紅與其女璧合珠聯爭輝並耀嘆曰使宜男  
而果男也使配雲姐真一對好姻緣姑曰儂合爲謀  
問雲姐願不母笑曰以待來生雲始知宜男之爲女  
也益比昵之一日師講易至男女構精句草草讀過  
女請問構精之義師誦之曰是非兒女子之所宜聞

女曰聖經賢傳豈有不可對人言者哉師莞爾他顧  
雲凝睇流盼悄喚阿歡女更狐疑莫釋矣值師之友  
來約湖山之游聯袂而去女問雲曰姐縱慧悟未必  
能通易理何哂我爲雲曰難言也秘密之旨非筮其  
形狀終不明晰女笑從之攜手入師臥室共坐榻上  
雲擁女於懷探手於袴撫其琦齒初綻蓮瓣微開女  
嗤嗤笑却之曰與姐等耳毋徒相擾雲曰人各具林  
笑能相同乃推女橫陳急卸其袴曰我教汝搗精女

拒之曰昭昭白日姐不羞耶回手撫雲則紅霞似  
觸指翹然女訝曰是何物也我何無之雲笑曰以有  
補無斯謂之構請嘗試之於是牡丹露滴巫峽不傳  
女整衣起笑曰搆精如是無怪師之秘而不宣也從  
此師或不在則玉山相並霧鬢斯磨捨韵聯吟遞相  
贈谷雲填望江南一闕投女曰香閨憶憶昔乍親卿  
錦帳甫垂參喜懼寶釵亂顛忍嬰鴟此刻不勝情女  
答之曰香閨憶憶昔就蕭郎欲避羞難遮綺扇最鎖

魂處却華粧共入黑甜鄉雲疊贈曰香閨憶憶昔開  
陽臺春融柳舞鶯梭提露沁花嬌燕剪開濃豔滿情  
懷女我曰香閨憶臆臆憶初朝顰奪小桃噴婢昵樣  
留新月倩郎描另有一番嬌懽娛易過不覺臘去春  
回女年加長待字深閨不復出就外傳矣雲亦還其  
本來另尋師友女作書投之曰同學妹宜男檢註致  
啟雲成哥哥足下憶昔情融綠帳暫得連鐘泣別前  
齋遽成分種細維現身說法秘傳法象之微口角吟

香共闌香盡之句方期此樂可常豈意於今不再况  
雌伏者頤爾鸞翔雄飛者反嗟豹隱我心匪石能不  
黯然伏願速遣冰人以踐海誓則牛垓之璧幸得全  
歸已破之舟不致淪溺縈縈俟諾戚戚佈國伏祈聖  
覽雲得書情急恃寵敢嬌直告父母父雖怒其不端  
然事已如斯轉慮其子失所遂倩密友卽任翁之戚  
敬備息儀往求鳳上任曰西鄰白翁固所素識第伊  
僅有掌珠那得配我假子妹曰其女實男子僞作女

粧以期易養耳任曰卽雲姐耶媒曰是也翩翩美少  
諒必中東床之選任曰不可不可雲姐皆與我女同  
學若與聯姻是無私有繫玷我家聲矣媒以重辭何  
知決無他故之言再三勸之任怒掉頭而入媒覆曰  
翁雲不知也尙歡欣鼓舞與女書曰同學愚兄雲然  
頓首敢宜妹粧次睽隔半年相思兩地何期雲間之  
鶴忽墮瑤函原上之鴿載御嘉命焚芸盟誦頓慰調  
餽來諭悉遵永人已遣諒尊甫知我必允好速行耶

河橋鵲影正當投采之期綠樹聲樓上催粧之什  
矣克敦舊好再締新歡如鼓瑟琴重疊香閨之酌宜  
其家室應續化生之文諒必卿爲我喜我爲卿賀書  
報兄妹知之時女曰聞父決絕之言飲泣數日矣母  
知其意反加詈也得雲書慟絕復燕覆書曰頃接銀  
函深叨錦注第君家柯使徒抱空言老父以跡涉嫌  
疑遽爾決絕雲卽其未之知耶從此機雲池館鶴唳  
空聞王謝樓臺燕巢靡托此日青閨已經蝶散當年



紅粉將歸烟銷是固妾之命也想雪郎才是子相徒  
懷絳樹情同穆滿空憶赤烏諒必同此悲憤耶然以  
馬卿之才不患無文君之配而妾則已非完璧豈可  
二夫故夜寢偶思則涕泗被面晨興忽感則爪指亂  
爬嗟嗟失此于歸終成隨落如不棄糞土敬訂逾垣  
面訢離忱以表永訣耳臨風嗚咽援筆酸辛雲郎采  
覽雲得書心亂於麻淚零如雨細問其母猶含糊答  
應知事之決無濟也俟蟾明之候踏梯踰牆又已於

簷頭接入相持對泣淚繼以血女曰妾生不逢辰之  
死靡他既不能續前緣當以魂依左右耳惟願郎君  
新不忘故時以孟義呼名而奠則九原如在矣今邀  
郎來知我死所遂指其床已細絲結扣懸於頂格雲  
曰生不同衾死當同城奚忍舍我捨先人扣女往幸  
救則抱女同登雙雙畢命次日婢媼喚女不應敲戶  
而入瞥視雙懸驚呼翁至撫之俱僵且兩屍互抱不  
解喚白翁來共鳴諸官判曰終看得白雲娥與任宜

男者居本比鄰幼而同學盈弱女偕稱冠帶之雄  
泖泖丈夫反襲裙釵之飾陰陽顛倒堪嗟兩老之膝  
朧天地細縕宜有雙星之繾綣繼而墮田大去碧海  
無歸借斑管以描愁託瑤箋而請命旣以參媒氏妁  
好遂稱意之花允宜鳳舞鸞歌竟唱定情之曲而乃  
不容坦腹徒悔噬臍密簡薄心愁甚衡陽之雁揀書  
泣血悽踰巴峽之猿綃袂越風匹夫之志難奪紅顏  
赴義匹婦之諒可悲遽爾雙璧同組立綾鴛鴦之頸

前製合體半率蛤蚧之身雖事不可風而節猶足取  
法設大法例順人情用是殮以巨棺俾作同工之兩  
葬諸大陸將生連理之枝從此地下長眠不羨人間  
短景本縣特以表圭璋之堅志非徒艷花月之新聞  
此讞斷令合葬西湖之麓風流花判傳誦一時故士  
有往弔之者鄉愚不知謂其有所祈禱尤而效之有  
求必應趨之如市競於墳前立廟香火大盛至今廟  
貌猶新其爲發情止義之報耶

# 狀官

進士某餘得某縣令戚友屬其狀也臨與一幹僕誼  
習儀文者官欣納之至省謁上官勢將直入中門其  
僕挽之由左繼又拜首邑令亦由左扉入其拱推之  
入中門官固館舍怒其僕曰若何顛倒搃弄我豈木  
偶耶僕知其意對曰非爲中門左門之故耶撫司道  
府憲也禮應偏門入首邑同寅也禮應中門入此  
所以辨等級非敢播弄也官大悟曰是汝不愧爲紀

綱之僕將重託汝僕乘機求司閹官大笑曰爲大令親隨何等親密反求管門是下走之職汝舍近就遠辭尊居卑豈非歎耶僕曰小人欲之官曰非我薄汝莫悔莫悔遂命司閹往蒞任所書役盛服跪迎官下輿谷禮至署吏送下馬飯甚豐腆官大樂命僕速備名柬謝之僕曰此皆屬下人所應爲者受之而已無咎禮官以禮無不答之言反覆辯論僕以儀注告之始悟官體庭尊嚴也次日詣廟行香師生跪恭迎之

入門三揖傲慢不答師生怒咸譏誚之抱慚而歸怒  
詈其僕所云儀注之非僕曰入聖人禮法之門接師  
生清高之士謙讓未遑方合儀注今自背之非小人  
言謬也官搖首曰世故變幻較之八股時文難做多  
矣又次日黜卯至東關地保官大怒拍案一筒之箴  
盡撒於地叱役選大杖撲之地保不知所以惶悚受  
杖訖匍匐哀鳴曰小人應卯無誤從何開罪求明諭  
以便改過官餘怒未息喝曰我未達時偶次錢糧者

借貸未遂也爾逼我逃遁辱及妻孥此仇銘刻於心  
剥爾膚削爾骨方消我恨一撻爾尙何冤地保曰爺  
府居原籍之東關耶曰然曰離此數千里矣與小人  
何干官方知誤遽叱曰無論遠近我知東關地保決  
非好人敢與官譴辯應加責爾口地保抱頭鼠竄而  
逸又次日放告有老人面稟其子忤逆者官訊之對  
曰小人世業級工今眼目昏花藉子奉養奈小人之  
子游手好閒棄小人不顧將爲餓殍矣求教訓之官



怒曰不孝事情汝逼我卽喚汝子責之時爲紛紛遽  
呈者所勝官心煩而退忽憶及忤逆事命僕喚紉工  
僕誤謂其欲成衣也喚平日伺應之紉工至官盛怒  
升堂喝命大杖責詎紉工泣訴曰小人何罪官曰棄  
養汝父尙稱無罪真不知薄罰之恩者紉工曰小人  
切失怙恃何父之有官益怒曰父尙不認忤逆之徒  
豈可輕恕更役僉跪告曰此人自幼在署應差小人  
等俱知底細其父母實於某年月日病故衆所共知

惟所照察官駭曰纔口訢之老人其鬼耶衆曰此某  
級工之父非此人父也官知又譏強叱曰爲人子者  
不能顯親揚名僅作賤業是爲辱親不孝莫甚再敢  
辯者立予重罪級工茹痛而去官飲量甚洪曰必沽  
酒數觴怡然獨酌笑有喊冤者正醺醺時也阻其雅  
興懷怒升堂拍案喝打並不擲錢役跪請曰打若干  
官伸指曰再打二觴更役笑不可遏竟至哄堂官慚  
而退各役領工食動需數百金官怒曰我安得如許

閒錢養如許閒人耶欲批飭不准僕曰此非出自已  
實係錢糧項下留支之款國家定例不能不准官猶  
豫曰然第若輩居心狡獪聞其正名之外有所謂混  
名者一混則無所不混恐其今日以正名領異日復  
以混名領則被冒文無窮矣我意欲令其正混各名  
以註明領狀當堂驗發庶免混冒僕以此無碍於事  
勅吏照辦官升堂點給至轎夫怒謂曰我僅見二人  
擡轎如何領工食者四名豈非冒混耶轎夫曰轎後

尙有二人宮微哂曰墀女言亦僅有二人對曰配以  
轎前之二人非四耶官無詞以詰方按其名其一曰  
某又名洋洋得意其二曰某又名不敢放屁其三曰  
某又名昏天黑地其四曰某又名拖來扯去官詫曰  
世安得有如是異名且停放誤問幕客客笑曰若輩  
譏謔閣下不淺矣官曰何爲客曰閣下後擁前呼則  
洋洋得意謁見上司則不敢放屁問案對詞則昏天  
黑地何以結訟則拖來扯去而已後此官決囚因斬

絞錯誤被參罷去

或問曰天下竟有是人耶天下遂無是人耶薊丘正  
裕對曰民饑而曰何不喫肉糜古來有此帝王世間  
寧無此官長且此官之猷勝於自以爲精明強幹者  
多矣卽其禮節顛倒尙知與僕反覆辯論其虛心勝  
於自滿者其責東關地保尙能買告以故其僕直勝  
於遷怒者其用刑錯謬尙自爭有誤其知過勝於偏  
執者至刻扣工食今已視爲當然此官尙能當堂給

發其廉潔勝於貪婪者嗟乎世之親僕用事賄賂公  
行奔競上官即登薦牘擢移陞久旋入洛追轍此官  
未知其誰歟也要之幕客一論實爲中下者定評故  
輜役混名至今人人知之○曾歷一邑見紳民公檄  
討官者其夕仿驛賓王討武舉檄附錄一證

爲某縣某令者人本齷齪家起寒微昔逢糊目試官  
曾以蕪詞中式洎乎入仕大玷官箴潛萌弄法之奸  
陰圖受祿之實入門見賄賂不肯讓人掩袖進私

狐媚偏能惑憲移某縣之毒手剝其邑之能意加以  
鬼蜮居心豺狼成性近狎邪僻深惡賢良岡上欺君  
虐民酷吏人神之所共嫉天地之所不容猶復包藏  
禍心竊竊巨室邑之富戶繩之以小愆妾之私親委  
之以重任嗚呼包龍圖之不作海忠介之已亡國賦  
橫徵任呼噪而莫應關節周到反保舉以揚名某令  
恃有護符益逞貪墨論案情之鉅細索價值之重輕  
激胥隸之狂狷良有以也致紳衿之訐告豈徒然哉

是用氣憤風雲志安間里因四鄉之失望順萬姓之  
同心爰舒義詞以儆孽宦南連鄰境北盡本鄉冤黎  
成羣哀鴻遍野米麥柴炭折價之計靡窮鹽當牙行  
剝削之謀何盡嗟聲動而悲風起怨氣冲而明斗昏  
喑鳴則貧富恐惶叱咤則男婦殽殛以此謀利何利  
不興以此害人何人不害某等或居要地或到公堂  
或膺摧折於胥言或受撲責於非理事猶在邇孰肯  
忘情三尺之法未亡一紙之書可托倘能轉禍爲福



改過自新共矢精白之心立洗腥羶之穢誓以曠日  
安鎮此邦若其眷戀銅山徘徊阿堵坐昧先幾之兆  
必遭盈滿之誅請看今日之檄文豈是尋常之泛話

肅希賢

維揚蕭姓世業離商翁以好士揮灑數萬金家因中  
落鬱鬱而亡其長子希聖自幼得與諸名士遊薰陶  
成學甲科入館選轉部郎而膺外任初爲雲南太  
理太守奉太夫人并携其幼弟希賢赴任希賢者太

夫人中年所生溺愛過甚已弱冠而不事詩書太守以母故亦不甚督責然亦無大過其在衙齋好與幕客談黃白之術客因說之以滇地爲產礦之區山中銀苗盛衰視其草木卽辨每有以數十金置一巒而發冢千倍者故外來游民半以此營生也希賢艷羨之因是日偕客遍歷羣山以求奇遇搜索年餘無獲客妄指一峯謂此中產礦甚旺不過爲脫卸計耳希賢深信不疑卽與山主議價以百金得之驟欲集夫

開探大守力阻不從以姪賴太夫人使乃兄屬下貢  
夫以助成趙奉貴介弟無不樂從其事者於是丁男  
湧集合力興工鋸木鑿山穿石穴土希賢往來監工  
無倦色如是者五六年厯擲億萬工一無所得大守  
以俸滿入覲須携眷去勸其弟舍是同行希賢泣下  
曰弟一生事業在此工既將成本亦不少若半途而  
廢死不甘心太夫人不忍拂其志傾乃兄之宦囊助  
其半與之曰見姑以此相搏若一二載不得則剩數

百金作腰纏而歸切勿迷戀沉溺於此以貽母兄戚  
也逐泣別太守去後屬下之夫皆星散希賢自募役  
夫昕夕從事者又數載是歲中秋計短夫價若干緡  
工頭已言之屢矣而囊中僅剩十餘金度無以應乃  
囑其僕盡以餘金市酒肉號召眾夫勞之曰子夜夢  
神人謂予大礦將見須協力往東南開則望口可得  
教告諸君儘今日之力予將倍償工價眾皆踴躍歡  
乎飽餐而去希賢前往峯頭巡察則丁丁之聲衆

齋奮喟然嘆曰子誰此役夫心力交瘁而前欠難償  
必遭其辱止則無以爲生逃則足力不濟不如死休  
於是解帶懸樹正遙拜母兄哀泣追悔之際忽見其  
僕偕頭目飛奔而來料不及投繯矣迎問其故僉喘  
息叩首道賀曰神人之言不謬已得大嶼請往拜祭  
希賢喜出望外起視之見大穴已闢其內黑色拳塊  
一望皆是衆夫僉來叩首請賞歡聲雷動曰此墨綠  
礪也最難得者其淵遠其色高非大福人烏能致此

希賢樂極不知所云其僕爲之邀集舊友或司職籍  
或司會計或司監督或司賓客量能授任羣謀報官  
設廠內有三分皇稅是以帥遣弁兵安營環守文自  
中丞以下咸來紀交聲勢一時喧赫希賢乃於穴口  
設板屋置大權持籌握筭凡百觔一載俾夫遞運廠  
內匠人收之百鑪並開以鼓以鑄皆鎔爲方錠每方  
五百兩以防小竊目近達遠環山之廠皆盈而穴中  
尙未盡也希賢酬應煩勞志願已滿惟思載運同鑄

以與母兄享此終身所慮歸途遙遠盜賊堪虞時值  
有和守蕭姓者以待御出守其爲人有心計魄力能  
任大事與希賢聯譜交甚歡謀以巨資通樞密超遷  
大巡奉旨查盤七省此明季御史之最有權力者所  
過之處文武員弁慎重迎送希賢藉其威勢保護而  
歸抵家則門庭懸白老僕披麻希賢迫切惶恐直入  
中堂則嫂氏攜其幼子衰絰以迎泣告曰夫自朝京  
後觀察東河前年疾卒大夫人思長憶幼悲痛而亡

熒熒母子貧無所依叔來幸甚希賢大慟曰何不計  
予嫂曰郵筒已遞百十矣想因中州盜起路途梗塞  
故不達耳希賢曰嫂無慮困窮予有金不知其數所  
可慮者老屋實不能容仍配鹽業爲商以其餘分設  
質庫廣置田宅雖百世亦不能盡我所有也於是親  
友聞之造宅環請奔走效勞者爭出新奇以媚之知  
希賢尙未娶妻或搆美婢或覓艷妾或爲謀婚大族  
時則有林下尙書鄭姓者美其富豪以女嫁之希賢



日則公冗私繁夜則左抱右擁勞瘁過甚病瘵而亡  
年未三十尙無子嗣族中以長房僅有一子不准過  
繼遂將現物爭奪一空幸鄭尙書爲之控訴當道俾  
親姪兼祧僅得承其鹽業而已

蘄卮曰多藏厚亡多財喪身古人言之屢矣觀蕭希  
賢之以富促其壽反不如食貧之爲安也或曰誠如  
子言則富不當在五福之列矣對曰富而攸好德則  
可與長遠否則富而縱慾六極之凶短折立至朝暮

不保何福之有客暗而退

李寡婦

李氏者明慧人也雖爲農家婦夫亡守志其翁姑百計不能奪於是分受房屋以針黹自食其力婦有姊嫁王鬼頭生女及笄貌甚風月鬼頭欲以居奇故未字鄰村有張僂子者母耄而昏積有制錢百貫欲爲其子覓一好婦與鬼頭素識頻頻囑託鬼頭艷其錢欲設法取之因思其姨李寡婦尙少艾詎而與僂子

結親則錢可得矣一日牽驢過寡婦家飾爲惶迫之  
狀泣而言曰汝姊病草待汝一言瞑目使我相迎幸  
勿他却婦見其意誠且昭昭白日必無他慮遂乘驢  
而行抵傻子家呼婦下曰此張巫家我欲邀其婦去  
爲汝姊醫治曷爲我入告婦諾下騎鬼頭先入耳語  
張母曰新婦來矣爾相之如合意使爾子務亟成親  
我後日來取身價母喜諾而出鬼頭由後戶潛出牽  
驢而遁婦入見張母致其姊相邀治病之說母笑曰

新婦勿支吾令親已爲吾子媒今夜良辰送來完其  
一姪好何治病之有婦方知爲鬼頭所賣始而怒繼而  
思忽然大笑謂母曰誤矣我齒已長想汝子年必不  
大老少豈可爲婚我係王鬼頭之姨我有嗣女甚佳  
亦囑其爲媒渠送我來相新郎如可匹偶則擇吉親  
迎可也母笑曰然則親家耶勿訝我僭奪塘突急呼  
其子出拜丈母婦目之年與甥女正相若神氣稍整  
耳笑謂之曰好爲我嗣女婚矣改日驅車從我迎娶

去母子皆喜諾留婦信宿敬之如大賓越三日婦曰  
今日黃道勿誤佳期可覓大車一輛偕往親迎俊子  
與族人假車整其衣履爲御而往鬼頭造見潛避婦  
入怒其姊曰汝夫旣好意爲我作媒何不相謀誑我  
與張氏子成親今已三朝姊亦不來一省何忍心耶  
其姊曰我未知之也妹來何爲婦曰我爲新婦寂寞  
過甚欲同甥女去作伴數日回視大姑曰汝願否大  
姑曰媿母見招敢不惟命婦卽攜其手登車而去抵

張氏宅母見之大悅婦悄謂傻子曰新婦年輕害羞  
我慰其早睡潛出易汝事成則明日拜堂可也傻子  
唯唯於是夕殮畢大姑相依姨母入新房安宿婦婉  
勸其解衣同衾臥俟其睡酣潛起易傻子入突成其  
事大姑聲喊婦隔門諭之曰此汝父之命我爲主婚  
安之勿訝明早當接汝父母來觀合卺耳大姑始明  
其意然此身已失聽之而已是日鬼頭慮其姨至家  
必不干休故寄宿在外翌辰歸方知攜其女去怒其

妻不偕往其妻曰既在親串間今日去不遲於是去  
馭其妻往則張氏之堂剏族親朋滿座其女方與嫂  
子交拜也鬼頭急喊爲鼓吹聲所混無聞之者及男  
女相將入寡婦出堂當衆直訴其事衆皆不直鬼頭  
共吐罵之且有義忿者欲以鳴官鬼頭羞畏而遁其  
姊哀所始息張氏母子德之無已集紳衿公旌李氏  
門而以百貫酬其義

蒲斥曰卽以其人之道還治其人之身智者婦也當

日公旌李氏之門者不知何語若問題於我當額之  
曰水雪聰明

鸞仙 五則

扶鸞之術南方爲盛真僞不一傳聞者夥矣錄數則  
以助一粲

有狂生不信鸞仙者適友家見駢集多士開壇請仙  
其誠肅之容如對嚴師如臨大祀咸端莊拱立無敢  
出聲者狂生大笄曰清平世界敢以妖言惑衆我將



治之其友曰慎毋譁真仙在此汝若不信可作文字  
固封以叩之能直言其隱豈我輩所妄託耶生曰果  
爾請嘗試之然公等所請者何仙友曰麻姑耳生又  
大笑至密室潛書一封擲壇上曰請判鸞少息生口  
其技弱矣忽大書曰調寄耍孩兒其詞曰立似沙彌  
合掌坐如蓮瓣微開無知小子休弄乖是你出身所  
任狂生失色而遁衆開其封大書一戾字也戾正字  
通曰布  
非切女  
子陰

其年童子試諸生羣集請仙鵲書曰今日上真皆赴  
元立會不暇降壇命吾土地權攝諸生何問衆曰明  
日小試請問試官所命何題鵲曰題目在吾堂內爾  
等自往尋之於是衆皆執香入土地祠堂跪拜訖遍  
覽一周並無隻字再禱之鵲不動矣皆腹誹土神謬  
翌日赴試題紙下土地二字此神可謂現身說法  
大比之年有父子諸生共叩鵲仙問得失鵲書曰速  
往南行路遇瘋僧問之不已可決前程父子大奔而

去其子年少足掇果造及一僧問之不應牽袖苦纏不休僧睨目大罵曰入你娘的中生怒欲毆經衆勸釋是科其父高捷始悟其言

有諸生羣集鸞壇問功名者鸞書曰趙酒鬼到衆皆冒曰我等請呂仙野鬼何敢干預行將請天師劍斬汝矣鸞乃止而復作曰洞賓道人過此諸生何問衆皆肅容載拜叩問科名鸞書曰多研墨於是各分硯研之頃刻盈碗跪請所用鸞曰諸生分飲之聽吾判

斷衆乃分飲訖驚大書曰平時不讀書臨時喫墨水  
吾非呂祖師依然趙酒鬼諸生大慚而毀其壇

有幕客於衙齋請仙書大書浙紹星槎先生來此汝  
曹有何傾教衆訝其倨傲問曰先生何仙請示降壇  
詩書曰吾乃汝曹之大有方輩昔在此署總理刑名  
錢穀大幕也詩云情淡封輕僅五錢芳花隨柳過前  
川時人不識予心苦將謂偷閒樂少年衆皆笑曰此  
千家詩耳人所共知先生襲之又連作別字某等不

解尊意竊曰此正吾輩名幕套法巧奪古人處汝曹  
學淺難解吾爲註之敝尼停進士公也酸刻而好嬉  
戲每傳班演劇與優伶襍來僅未提五星時有花柳  
二小優與吾甚脗恒隨帶過前川堂衆皆目逆而送  
之曰先生樂甚殊不知去其一月修金正難與細君  
銷算之苦也故詩云云且吾輩辦案無不套叙一切  
留心套熟則不犯駭飭何也上游幕客皆吾輩套中  
人耳此等秘妙法訣夜臺無用以贈諸公無負老夫

一片婆心也是後開驚必至所言皆卑鄙瑣陋嘔  
不休皆厭惡之而無可如何一日僕偶以稿案誤置  
壇上忽大書曰此案難辦難辦而寂眾視案卷令君  
粘簽其上應稟覆憲司者無執套可循故鬼畏而遁  
或曰此鬼在生因作稟不妥而窘死者

薊斥曰前四則可謂夫人必自侮然後鬼侮之後一  
則驚字誤盡天下蒼生然憲司牧令相延若輩惟命  
是從此吏治之所以日壞也安所得豪傑之士跳脫

圈套與賢有司共挽頽風哉滔滔者不過步此庸鬼  
之後塵以求生活也噫